

ایوبینگ گو جری نیوز بلیٹن مورخہ 29 نومبر 2025

*1۔ لیفٹنٹ گو رنر منوج سنہا نے رام بن مانہہ 189 سیلاب توں متاثرہ کہراں غی تعمیر غونی پتھر رکھیوے۔

*2۔ وزیر اعلیٰ عمر عبداللہ نے ماحول دوست سیاحت ور زور پایو ہے، تانجے جموں کشمیر غی سیاحتی معیشت نانہہ فروغ مل سکے۔

*3۔ چیف سیکریٹری نے پی ایم ویشو کرما اسکیم غے تحت فنکاراں واسطے کریڈیٹ لینکیج نانہہ مضبوط کرن ور زور پاوی ہے تے مارچ 2026 توڑی 30 ہزار کریڈیٹ لینکیج غو بدف رکھیو ہے۔

*4۔ بی ایس ایف جموں غا انسپکٹر جنرل نے آج پلوڑہ کیمپ جموں مانہہ سالانہ پریس کا نفرنس سنگ خطاب کیو تے سرحدی تے دہشت گرد کاروائیاں مانہہ بی ایس ایف غا کردار نانہہ آجاگر کیو۔

*5۔ تے قومی شاہراں بارے بھارتی اتھارٹی نے جموں اڈھم پور شاہراہ نانہہ متھی وی مدت توں پہلاں پورو کر غے 2 گھنٹاں غا سفر نانہہ کھٹ کر غے اک گھنٹہ غو سفر کر دتو ہے۔

LG Ramban

لیفٹنٹ گو رنر منوج سنہا نے آج رام بن مانہہ 189 کہراں غی تعمیر غی نی پتھر رکھیو ہے، جھیڑا اپریل تے اگست مہینہ مانہہ آیا سیلاب غے دوران مکمل طور ور تباہ ہو گیا تھا۔ ان کہراں نانہہ انسانی وسائل غی ترقی بارے اتھارٹی (ایچ آر ڈی ایس) بھارت غی مدد سنگ تکنیکی طریقاں سنگ بنایو جا ئے گو، تانجے ربن آلاں واسطے مضبوط، پائیدار تے آرام دہ ثابت وے۔ اس پروجیکٹ ور گل 18 کروڑ روپیہ خرچ کیا جا ئیں گا۔ جناب سنہا نے کہیو ہے یہ منصوبہ سیلاب توں متاثر خانداناں واسطے استحکام لیاویں گا تے معاشرہ غی مجموعی ترقی مانہہ تعاون کرے گو۔ انہاں نے زور پاتاں واں کہیو ہے انتظامیہ سماجی تے معاشی انصاف واسطے پرعزم ہے تے جموں کشمیر غا بہتر مستقبل نانہہ یقینی بنان ور کم کر رہی ہے۔ اس موقع بولتاں واں ایل جی موصوف نے اس طرح کہیو۔ بائٹ۔

CM Tourism

وزیر اعلیٰ عمر عبداللہ نے آج یوٹی مانہہ پائیدار، ماحول دوست تے ماحولیا تی طور ور ذمہ دارسیاحت غا فروغ دین غی اہمیت ور زور پایو ہے، تانجے مقامی لوکاں غی شمولیت تے سیاحت غا شعبہ نانہہ مضبوط کیو جا سکے۔ وزیر اعلیٰ نے اس گل غو اظہار سرینگر غا ایس کے اے ایل بین القوامی کلب مانہہ کشمیر چپٹر غا افتتاح غے دوران کیو۔ جھیڑو عالمی سیاحتی رابطاں نانہہ مضبوط کرن غا قدم غے طور ور تھو۔ انہاں نے کہیو ہے اس غو مقصد پائیدار سیاحت، بین القوامی تعاون تے جموں کشمیر غی ترقی واسطے نواں موقع پیدا کرنو ہے، تانجے سیاح وادی مانہہ

اہم جگہاں غو ژکھ کر سکیں۔ وزیر اعلیٰ نے کہیو جے آن آلا ہفتاں مانہ ساز گا ر موسم تے برف سیلانیان نانہ مزید راغب کرے گی، جس سنگ یوٹی غا سیاحتی شعبہ غا بابدہ مانہ مددملے گی۔ اُنہاں نے کہیو۔ با ٹ۔

CS Vishwakarma

مقامی فنکاراں نانہ با اختیار بنان غا اہم قدم غے طور و ر چیف سیکریٹری اتل ڈلو نے متعلقہ محکماں تے بینکاں نانہ ہدایت جا ری کرتاں واں کہیو بے جے وے پردھان منتری ویشو کرما اسکیم غا کریڈیٹ لینکیج غا عمل نانہ تیز کریں، تا نجے ما رچ 2026 توڑی 30 ہزار قرضان غی آدائیگی کی جا سکے۔ اس قدم غو مقصد خاص طور و ر دیہی تے پسماندہ فنکاراں نانہ ویلے سر مالی معاونت فراہم کرنویے، تا نجے وے اپنا آلات نانہ جدید بنان غے نال نال پیداوار مانہ اضافو تے روایتی فنکاری نانہ فروغ دے سکیں۔ اس سلسلہ مانہ ہر اک ضلع مانہ یوا مشن غے تحت لون کیمپاں غو انعقاد، بیداری مہم منعقد کی جائے گی۔ اس میٹنگ غے دوران دسیو گیو جے اس ویلے لون غی منظوری مانہ جموں کشمیر 11 واں مقام و ر بے تے اس سلسلہ مانہ 14 ہزار معاملان نانہ منظور دتی گئی، جن وچوں 9 ہزار توں متا نانہ تقسیم وی کر دتو گیو بے۔

PM Mann Ki Baat

وزیر اعظم نریندر مودی پلک سویرے 11 بجے آکاشوانی و ر من کی بات پروگرام غے ذریعے ملک تے بیرون ملک رہن آلا بھا رتی شہریاں سنگ اپنا خیالات سانجھا کریں گا۔ ماہانہ وار ریڈیو پروگرام غی یاہ 128 ویں قسط وے گی۔ یوہ پروگرام آکاشوانی تے دور درشن غا تمام نیٹ ورکاں، اے آئی آر نیوز ویب سائٹ تے نیوز آن آئر موبائل ایپ و ر نشر کیو جائے گو۔ اس تیں علا وہ یوہ پروگرام اے آئی آر نیوز، ڈی ڈی نیوز، پی ایم او تے اطلاعات و نشریات وزارت گا یوٹیوب چینلاں و ر وی نشر کیو جائے گو۔ بندی نشریات غے فوراً بعد اس پروگرام نانہ علاقائی زبانان مانہ نشر کیو جائے گو۔

مزید خبراں نال محمد اکرم چودھری و ر اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئر ڈاٹ گوو ڈاٹ ان و ر وی دستیاب ہیں، اس تیں یہ خبر مہاری موبائل ایپ تے ڈی ٹی ایچ (و ر وی دستیاب ہیں)

BSF Annual Press Conference

بی ایس ایف غا انسپکٹر جنرل ششانک انند نے اچ پلوڑہ جموں مانہ سالانہ پریس کانفرنس سنگ خطاب کیو، جھیڑی سرحدی حفاظتی دستہ بی ایس ایف نانہ وجود مانہ آیا واں 60 بہراہ پورا ہون غا موقع و ر کی گئی۔ اس دوران خطاب کرتاں واں اُنہاں نے دسیو بے جے پہلی دسمبر نانہ بی ایس ایف غو یومِ تاسیس منایو جا ئے گو۔ تے سال 2025 اس غو ڈائمنڈ جُلی سال بے، جس نانہ وی منایو جا رہیو بے۔ اس موقع و ر بولتاں واں انسپکٹر جنرل نے بی ایس ایف غا سرحدان غی

حفاظت تے دہشت گردی مخالف کا روایاں مانہہ کردار نانہہ وی اُجا گر کیو۔ اُنہاں نے پہلگام حملہ تے اُپریشن سِندور غا واقعہ غے دوران ادا کیا گیا کردار نانہہ وی یا دکیو۔ اُنہاں نے کہیو جے فوج پیشہ وارانہ مہارت غے نال امن ، چوکسی تے قومی سلامتی نانہہ یقینی بنان واسطے پَر عزم ہے۔ اُنہاں نے کہیو۔ با ٹ۔

Jammu Udhampur Highway

بھارتی قومی شاہراں با رے اتھارٹی نے جموں اُدھم پور شاہراہ نانہہ متھی وی مُدت توں پہلاں پورو کر ليو ہے۔ جس سنگ خطہ مانہہ رابطاں نانہہ بہتر بنان ور اِک اہم پیش رفت ہو ئی ہے۔ اِس شاہراہ غا پورا ہون سنگ بُن جموں تے اُدھم پور غا سفر نانہہ 2 گھنٹاں غے بجائے اِک گھنٹہ مانہہ پورو کر ليو جائے گو۔ شاہراں با رے قومی اتھارٹی غا علاقائی دفتر جموں نے سماجی میڈیا غی ویب سائٹ ایکس ور کہیو ہے جے جدید شاہراہ 4 ٹوئن ٹیوب سرنگاں ور مشتمل ہے جھیڑی نندنی وائلڈ لائف سنچری توں گذرے گی تے اِس نانہہ ماحولیات غا تحفظ نانہہ دیکھتاں واں تیار کیو گیو ہے۔ اِس با رے مزید کہنو تھو جے یوہ منصوبہ اعلیٰ انجینئرنگ تے ماحولیاتی تحفظ نانہہ جوڑے تیار کیو گیو، جھیڑو سفر نانہہ مزید آسان بنا وے گو تے جموں کشمیر مانہہ سڑک غا بنیا دی ڈھانچہ غی ترقی مانہہ اہم ثابت وے گو۔

DIET Ramban

تعلیم تے تربیت با رے ضلعی ادارہ رام بن نے اِک نوو سماجی تے سائنسی پروگرام شروع کیو ہے، جس غو مقصد طلبائ غی تنقیدی سوچ، تجرباتی صلاحیتاں تے ثقافتی بیداری نانہہدھانو ہے۔ مذکورہ پروگرام سیکھن آلاں غا معاشرتی مسائل عدم مساوات تے ماحولیاتی خدشات جیسی مشکلاں نانہہ سمجھن مانہہ مدد دے رییو ہے۔ حُکام غو کہنو ہے جے یہ اقدام نہ صرف فیصلہ سازی نانہہ بہتر بناوینگا، بلکہ اِس تیں زیادہ ذمہ داری غا احساس نانہہ وی فروغ ملے گو، جس سنگ طلبائ نانہہ با خبر رہن واسطے تیار کیو جائے گو۔ اِس سلسلہ مانہہ ڈائٹ رام بن غا رسورس پرسن نے اِس طرح کہیو۔ با ٹ۔

Weather

جموں کشمیر مانہہ آن آلا 4 تیہاڑاں غے دوران درجہ حرارت مانہہ کہٹ وکھٹ 1 تیں 2 ڈگری سلسیس مزید گراوٹ غی اُمید ہے۔ محکمہ موسمیات نے پلک شام تے 1 دسمبر غی سویرے موسم آبرآلود رہن غی پیشنگوئی کی ہے۔ اِس تیں علاوہ 4 دسمبر تک موسم عام طور ور خشک رہن غی توقع ہے۔ 5 دسمبر نانہہ دوپہر مانہہ چڑھ رہن غو امکان ہے۔ یاد رہے جے وادی کشمیر غا متا سارا مقامات جد کہ خطہ جموں غا گُجھ علاقہ غا الگ تھلگ مقامات ور معمولی دھند پین غو امکان ہے، جس سنگ رات ٹھنڈی ویں گی۔